

INFUSA AQUOSA. 319

INFUSA AQUOSA,

Seu Infusa proprie sic dicta.

INFUSUM AMARUM.

℞. Radicis Gentianæ luteæ unciam semis.
Corticis fructus Citrus-aurantii drachmas
duas.

Aquæ bullientis uncias duodecim.

Macera per bihorium et colaturæ adde

Alcoholis corticis Citrus-aurantii drach-
mas sex.

Usus : Cardialgia ; dyspepsia ; debilitas
ventriculi.

Dosis : Unciæ tres, bis die.

Interdum singulis dosibus adduntur :

Vel Carbonatis potassæ grana quindecim.

Vel Acetitis potassæ drachma una.

Vel Vini ferrati guttæ quinquaginta.

INFUSUM ANTIHYDROPICUM.

℞. Infusi amari,

— ad Paralysin ana libram unam.

Misce.

Dosis : Unciæ quatuor, bis die.

INFUSUM ANTHELMINTHICUM.

℞. Herbæ Spigelia - Anthelmiaë unciam semis.

Aquæ bullientis uncias sex.

Macera per bihorium et cola.

DOSIS : Uncia una semis ad uncias duas, vesperi.

Interdum adduntur ante macerationem :

Radiciſ Aristolochia-Serpentariæ drachmæ duæ.

Vel :

℞. Nidi Polypi marini incogniti (vulgo *Conſerva Corallina s. Fucus Helminthochorton* dicti) drachmas duas—octo.

Aquæ bullientis libram unam.

Macera per horam et cola.

DOSIS : Libra una vasculatim omni mane.

INFUSUM ANTHEMIS.

℞. Florum Anthemis nobilis drachmas tres.

Aquæ bullientis libram semis.

Macera per horam, et colaturæ adde

Carbonatis potassæ drachmam unam.

Alcoholis Nucis Myristicæ moschatæ unciam unam—duas.

Usus : Dialeipyræ rebelles ; dyspepsia ;
pyrosis.

Dosis : Unciæ duæ , sexta quaque hora.

INFUSUM BRUCEÆ.

℞. Corticis Bruceæ ferrugineæ pulv. drach-
mas tres.

Aquæ bullientis uncias octo.

Macera per horam et cola.

Usus : Dysenteria. — Hoc remedio Africæ
interioris incolæ cum successu utuntur,
et ex eorum consilio sese ipsum dysen-
teria liberavit J. BRUCE, cui cognitio-
nem hujus plantæ debemus.

Dosis : Uncia una semis , ter quarterve
de die , abstinendo ab omni potu.

INFUSUM CALCIS.

SYN. *Aqua calcis ; solutio calcis.*

℞. Testarum Ostreæ edulis recenter calci-
natarum libram unam.

Aquæ puræ libras octo.

Agitentur subinde , et subsidente calce
liquor clarus effundatur ac in vase probe
clauso usui servetur.

Usus internus: Pyrosis, diarrhœa, dysenteria etc. ex acido; morbi ex calculo viarum urinarum; diabetes; podagra; leucorrhœa; scrophula; malacosteon; morbi pituitosi; tabes; vermes; ulcera laxa, humida. *Externus forma lotionis*: Ulcera laxa; ulcera syphilitica genitalium ex coitu recentia; vitia cutis; ambustura; gangræna. *Forma injectionis*: Blennorrhagia (initio); calculus vesicæ urinariæ.

NB. Antidotum arsenici.

Dosis: Unciæ quatuor—sex, sæpius de die, cum vel sine lacte.

INFUSUM CALCIS CINCHONATUM.

℞. Corticis Cinchonæ officinalis uncias duas.
Infusi Calcis libras duas.

Digere vase bene clauso per viginti quatuor horas sæpius agitando, dein liquorem per subsidentiam depuratum effunde et in vase clauso usui serva.

Usus: Pyrosis; cardialgia; leucorrhœa; ulcera crurum; morbi arthritici; morbi ex hydrargyro.

INFUSUM CANNABIS.

℞. Seminis Cannabis sativæ integri unciam unam.

Aquæ bullientis libras quatuor.

Digere calide per bihorium, dein coque per tria aut quatuor minuta; colaturæ adde Sacchari (vel Syrupi Amygdalini) quantum placet.

Usus pro potu ordinario: Blennorrhagia; dysuria; stranguria.

INFUSUM CARDIACUM.

℞. Radicis Dorstenia-Contrayervæ,
—— Aristolochia - Serpentariæ ana drachmas duas.

Aquæ bullientis uncias duodecim.

Macera per bihorium et colaturæ adde Alcoholis Myrtus-Pimentæ uncias quatuor.

Usus: Blechropyræ; exanthemata retrocedentia, atonica.

Dosis: Cochlearia quatuor, omni sexta hora.

INFUSUM CARDIACUM ACETATUM.

℞. Infusi Cardiaci libram unam.

Acidi Acetici uncias duas.

Usus : Blechropyra petechialis.

Dosis: Cochlearia quatuor, sexta quaque hora.

INFUSUM CINCHONÆ.

℞. Corticis Cinchonæ officinalis pulv.

Alcoholis Cinnamomi ana uncias duas.

Simul tritis affunde

Aquæ bullientis libras duas.

Digere per biduum, sæpe agitata phiala;
dein cola.

Dosis: Cochlearia quatuor majora, bis terve
de die.

INFUSUM DIGITALIS.

℞. Foliorum Digitalis purpureæ, tempore
florescentis plantæ collectorum et in
umbra siccatorum, drachmam unam.

Aquæ bullientis uncias octo.

Infunde per quadrihorium, et colaturæ
adde

Aquæ cujusdam aromaticæ unciam unam.

Usus : Hydrothorax; ascites? hæmoptysis;
tabes pulmonalis? palpitatio cordis; mania
a sero effuso. *Vide* Tractatum doctoris
WITHERING.

NB. Virum quinquagenarium hydrothorace cum physconia hepatis laborantem et apparenter morti proximum hoc infuso solo intra 12 dies restitui.

Dosis : Uncia semis—una, continuando donec nauseam cieat.

NB. Si alvum moveat, singulæ dosi adduntur Tincturæ Sedativæ guttæ sex-octo.

INFUSUM LEDI.

℞. Foliorum Ledi palustris unciam semis—unam.

Aquæ (vel Lactis aut Seri Lactis) bullientis libram unam.

Infunde per horam.

Usus : Lepra; psora; tineæ; pertussis?

Dosis : Libra semis—una, his die.

INFUSUM LINI.

℞. Semen Lini usitatissimi unciam unam.

Radicis Glycyrrhizæ glabræ unciam semis.

Aquæ bullientis libras duas.

Digere calide per horas quatuor et cola.

Usus : Stranguria; tussis ab acri.

INFUSUM MENYANTHIS.

℞. Foliorum Menyantis trifoliatæ unciam
unam.

Aquæ bullientis libram unam.

Macera per bihorium.

Usus : Dialeipyræ; morbi viscerum pituitosi; dyspepsia.

Dosis : Unciæ quatuor, bis die.

INFUSUM AD PARALYSIN.

℞. Radicis Cochlearia-Armoraciæ,
Seminum Sinapis nigri contusorum ana
unciam unam semis.

Aquæ bullientis libras duas.

Macera per bihorium et colaturæ adde,

Alcoholis uncias duas.

Usus : Paralysis.

Dosis : Unciæ quatuor, bis die.

INFUSUM PECTORALE.

℞. Foliorum Glecomatis hederacæ,
———— Tussilago-Farfaræ ana unciam
unam.

Radicis Glycyrrhizæ glabræ unciam
semis.

Aquæ bullientis libras duas.

Macera per bihorium et cola.

Sumat quotidie.

Usus : Morbi pulmonum atonici ; phtthisis.

INFUSUM QUASSIÆ.

℞. Rasuræ ligni Quassiæ amaræ drachmas duas.

Aquæ bullientis libram unam.

Digere per horam et cola.

Usus : Dyspepsia ; dialeipyrae.

Dosis : Uncia semis—una, sæpius de die.

INFUSUM SENNÆ COMPOSITUM.

SYN. *Aqua Laxativa Viennensis.*

℞. Foliorum Cassia-Sennæ drachmas tres—quatuor.

Seminis Amomum - Cardamomi (vel Coriandri sativi) integrorum drachmam unam.

Tartritis potassæ (vel Tartritis sodæ) drachmas sex.

Aquæ bullientis uncias sex.

Stent in digestionem calidam per bihorium,
dein adde

Syrupi simplicis (vel si placet Mannæ)
unciam unam.

Colatura uno vel partito haustu absu-
menda.

Interdum loco syrui aut mannæ initio
digestionis additur

Baccarum Vitis apyrenæ siccatarum
uncia semis—una.

Et tunc colatura exprimitur.

INFUSUM VALERIANÆ.

℞. Radicis Valerianæ officinalis pulv. un-
ciam unam.

Aquæ bullientis uncias duodecim.

Macera per bihorium et colaturæ adde:
Vel Tincturæ Lavandulæ compositæ drach-
mas sex.

Vel Tincturæ Valerianæ ammoniacalis
drachmas tres.

Usus : Morbi spasmodici ; vermes.

Dosis : Unciæ tres, bis terve die.